



DEO OPTIMO MAX.
UNI ET TRINO.

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

QUODLIBETARIIS DISPUTATIONIBUS
manè discutienda, in Scholis Medicorum, die Jovis
septimâ Decembris M. DCC. XXX.

M. JOANNE-FRANCISCO COUTHIER,
Professore Chirurgiæ designato, Doctore Medico, Præside.

An Aër præcipuus secretionum opifex?

I.



SUPREMO NUMINE ita formatur homo, ut
sefe ad quosdam motus agat; ad alios, ab alio agatur.
Quidni ad artificiosam, simplicem tamen, partium
quibus conflat, compagem exclamas? Corpus
humanum veram machinam dixeris, quæ secundum
leges Hydraulicæ, Statices & Pneumatices movetur.

Ubique vestes, trochleas, vasa, liquores, receptacula & folles
cernere est. His, si vis aliqua sedibus ab æthereis accesserit, stupendi
se produunt effectus. Si ab initio hominem spectare juvat; quàm dif-
similis ab ipso! Punctum erat, quod sensim, impellente secundo
spiritu, se ad inditos primitus naturæ motus accingebat. Videre vi-

deor punctum illud saliens, liquoris guttulam jam eructitans, in infinitas lineas productum. Hinc longa & numerosa surgit canaliculorum series, futura futuris secretionibus organa. Hic arterias, venas, glandulas; illic nervos, membranas, musculos, tendines & ossa quis non animadverterit? Vasa illa, pro eo quo donata sunt elatere, micant salientque perenniter. Ab illis propulsi atque pressi liquores, diversas in partes eundo, variis parant se ductibus & incerniculis. Secretionum jam apparent molimina; jam in actum erumpent, si aut circumfusa, aut intus latens quædam virtus præsentis suæ præbuerit indicia.

II.

CORPORIS humani motuum & functionum causas cupidus inquiris? Ad ejus fabricam recurris; singulas partes sensibus exponere sollicitus curas. Optimè: sed quid præter materiam reperies? Illa de se ad motum iners ab alio moveri indiget. Corpus universum unicum est vas, ita gyris orbibusque complexum, ut idem principium, idem finis. In hoc mirum quantæ fiant operationes! Totum hunc canalem replent humorum latices, qui sui juris non facti, sed solidarum, quibus compingitur ille, vi quam accipere systaltica fibrarum perpetuo trusi, ad omnes & singulos quos perlustrant meatus se componunt. Ex hoc reciprocant & alternanti circuituionis motu singula succorum discrimina haud ineptè repetes. Unus est liquor corpus alens & fovens à quo cæteri, tanquam ex scaturigine, ortum habent. Lympham suspicaris? nec malè. Illa icibus pressionibusque obsequens facilè quascumque figuras induit; quoslibet colores & sapes ementitur. Illa est secretionum penè omnium vera materies. Ex sinistro cordis thalamo violentius evibrata, ad extremos usque arteriolarum penetrat sinus, undè reverfura statim cum sanguine, nisi peculiare sibi nancisceretur ductus. Hi sunt vasa lymphatica, quæ mille contorta ac complicata modis glandulas constituunt, secretionum organa à plurimis falso habita. Hæc vasorum & liquidorum symmetria de se tamen defes atque otiosa foret, nisi id quod habere videntur virtutis, ab aliâ causâ acciperent. Frustranea & incassa prorsus forent eorum conamina, nec quid actionis elicere Marte proprio valerent, Subsideret & omnis secretio.

III.

SECRETIO est unius liquoris ab alio segregatio. Quàm varia & multiplex sit secretio, nemo nescit. Ex intestinorum canali per venas lacteas chylus. In Hepate bilis utraque; in Pancreate ejusdem nominis liquor; in renibus lotium; in anfractuosis testium gyris semen; in corticis cerebri *tomenio Ruysschii vasculoso* succus nerveus fecernitur. Quis ignorat, quid alarum, inguinum, colli, oris, faucium reliquarumque partium glandulis committatur? Omnibus perspecta est cæteris excretionibus copiosior Sanctioriana perspiratio. Sudoris eruptionem quilibet novit. Nota hæc sunt omnia. Verum; sed quâ ratione, quibus auxiliis fiant, perarduū desinire. Varia vari

commenti sunt. Attracticem & retentricem vim balbutiunt præteritæ vetustatis affectæ. Fermenta garrit populus Chymicorum. Archæum jactabat Helmontius; vim obganniebat Willsius explosivam. Hi omnes, quàm à vero procul! Neotericorum plurimi ad fibrarum elatere diametrum, oscillationes vimque systolicam confugiunt. Ad scopum accedunt quidem sed intactum relinquunt. Paucis datum causas rerum cognoscere. Rem omnem acu tetigeris, si Aëra omnium in homine non modò, sed & in omni vivente, secretionum causam posueris. Verus est ille antiquorum Jupiter; verus (a) Zeus; verus Æther, cujus uxorem Junonem ceu terram dixere; ut Poëta:

a Phœn. de Jov.

. (b) *Fœcundis imbribus Æther*
Conjugis in gremium lata descendit & omnes
Magnus alii, magno commixtus corpore fetus.

b Virg. Georg. 2.
 vers. 324.

Aëris est densari, rarefcere, *gravitare*, corporibusque subjectis suos impertiri affectus. Illius præsentia & elatere oscillant corporis solida. Ejus beneficio fluunt per vasorum mæandros liquores; suaque libentiùs adeunt incernicula.

I V.

AT dicet forsan aliquis: undè tantos effectus sortitur Aër? Rem attentius perpende. Aëra non malè definieris corpus fluidum, summæ elasticitatis capax, corpora subjecta premens. Ex iis proprietatibus, quicumque in viventi corpore observantur effectus, affectiones & mutationes deducere, errare non est. De elasticitate ne dubita. Hanc demonstrat sclopetum pneumaticum. Vesica in Boylianæ machinæ excipulo, exhausto Aëre ad disruptionem intumescit. Quin & calore longè magis augetur Aëris elaterium. Prostant globi è tormentis, accenso pulvere Pyrio, longissimè emissi. Thermometri liquor accedente calore superius attollitur. Gravitas ejusdem ex aquâ in anthlias ad xxxii. pedum altitudinem ascendente patet. Hydrargyrus xxvii. pollices altus in tubo vitreo suspenditur. Vasa machinæ Pneumaticæ aptata, educto Aëre, nisi in fornice arcuata, Atmosphæræ pondus sustinere nequeunt. Ecce ergo corpora viventia ab Aëris affectu immunia volueris? Numquid undequaque ab eo premuntur? Numquid cum humoribus corpora pervadit? Fibris oscillatorium motum num impertitur? Ex pressæ ac motæ fluida in motus agunt; hæc mota incalescunt; iis contentus Aër rarefcit & rarefcendo se expandit, vasaque dilatat. Unde alternans & reciproca solidorum ac fluidorum oscillatio. Præterea Aër utpotè tenuior extrema vasculorum capillamenta alioquin subsidentia subit faciliùs; eorum parietes ab invicem dimovet, succisque tenuioribus viam hoc modo sternit: his aditum concedit, illis negat aut præcludit. Procul ergo hinc amandantur fermentorum inanes fabulæ. Valeant illa villosa quæ nonnulli fingunt in glandulis pulpalmina. Ipsa sunt vasa aut vasorum apices ex quibus mediante Aëre stillant succi, priùs à mole sanguineâ secreti.

ET sanè tanta est Aëris necessitas ut nihil in orbe, ipso absente vivat. Omne animalium genus, jumenta, volatilia, reptilia, cete grandia, & quidquid complectitur Amphitrite, ejus indiget afflatu. Sua cuique viventium recipiendo Aëri tributa sunt organa. Cochleæ, muscæ, vermes, erucæ suo modo eum hauriunt. Arbores ejus beneficio crescunt; namque his

* Ovid. Metam.
liv. 1.

* Mundi fabricator habendum

Aëra permisit.

* Aer maximus
est in omnibus qua
corpori accidunt,
& Autor & Do-
minus.

Hipp. liv. 1.
de Flat.

Celum turbi-
dum, Aer crassus
humorum redun-
dantiam, impuri-
tatem & motuum
langorem cau-
satur.

Hoff. diff. Phys.
Med. p. 267.

Solis calore rarefcens Aër per trachæas ad singulas partes succos trudit. In gemmis delitescens prima fructuum lineamenta evolvit. Illius benigno influxu *omnis viret ager*; sæviente verò *emoritur herba*. Quid pluribus? mutato Aëris statu quàm promptissimè mutantur corpora. Statum morbosum contemplere *. Arthritici mutatam cœli temperiem experiuntur. Aër humidior & levior fibras laxat nimis; in laxatas partes, impellente interiori Aëre, impetu irruunt humores, unde dolor, tensio, rubor. Idem de Rheumaticis dicendum. Leviori factò Aëre, suffocantur Asthmatici, sanguis Aërque interior minùs ab Aëre exteriori pressus, in pulmones collabentes copiosius affluit atque sua superat repagula. Aër calidior & nimium rarefactus liquida corporis dissipat, aut per loca ad hoc non dicata propellit, dira lymptomata producturus. His medetur mutata cœli regio. Si æquabilis fuerit Aëris temperies, status, vis, solida placidè agitata oscillabunt. Aër corpore conclusus nec minorem, nec majorem ab incumbente pressionem passus, naturalem solidarum partium rythmum revocabit, succosque palantes & divagantes ad propria deducet colatoria; adèò ad Aëris nutum agere assuetæ sunt corporis potentix.

Ergò Aër præcipuus secretionum opifex.

DOMINI DOCTORES DISPUTATURI.

M. Joannes-Baptista Boyer.

M. Elias Col de Vilars,
Chirurgia Gallica Pro-
fessor.

M. Michael-Procope Con-
teaux.

M. Desiderius - Claudius
Fremont.

M. Henricus Besnier.

M. Joann. Claudius - Adria-
nus Helvetius Regi à san-
ctioribus Consiliis, Medi-
cus Regis, perpetuo ordi-
narius, Regina Medicus
primarius.

M. Petrus-Antonius Lefy.

M. Joannes Besse Dotaria
Hispaniarum Regina à
Consiliis & Medicus pri-
marius.

M. Salvator Cluscard.

Proponebat Parisiis, PETRUS ROUSSIN DE MONTABOURG,
autor. Constantiensis, Baccalaureus Medicus, A. R. S. H. 1730.
à sextâ ad meridiem.

Typis G. F. QUILLAV, Universitatis & Facultatis Medicinæ Typographi. 1730.